

采芳隨筆卷十四

北平查 彬伯埜輯

槐花謔品也槐虛星之精一名懷槐之言懷也懷來人于此欲與之謀故三槐位三公槐之言歸也情見歸實也故聽訟其下有守宮槐一名紫槐幹弱紫花晝合夜開爾雅翼謂之合昏槐有白槐似柎而葉差小有懷槐葉大而黑其葉細而色青綠者直謂之槐四五月開黃花七八月結實作莢如連珠槐之生也季春五日而兔目十日而鼠耳更旬而始規二旬而葉成宋政和澤州台州有連理槐晉陽都城有一日三榮三悴槐唐語云槐

花黃舉子忙李巨川詩云暮律移寒火春宮長舊栽葉
生馳道側花落鳳庭隈烈士懷忠觸鴻儒訪業來何當
赤墀下疎幹擬三台李濤白云落日長安道秋槐滿地
花樂天白云薄暮宅門前槐花深一寸又句云蒙蒙碧
烟葉嫋嫋黃花枝鄭雲臺谷詩云氤氲金蕊撲晴空舉
子魂驚落照中今日老郎猶有恨昔年相謔十秋風翁
承贊詩云雨中裴點望中黃勾引蟬聲送夕陽憶得當
年隨計吏馬蹄終日為君忙羅鄴詩云行宮門外陌銅
駝兩畔分栽此最多欲到清秋近時節爭開金蕊向關
河層樓寄恨飄珠箔駿馬憐香撼玉珂愁殺江湖隨計

者年年為爾剩奔波吳子華詩云纔開便落不勝黃覆
著庭莎襯夕陽只共蟬催雙鬢老可知人已十年忙曉
窓須為吟秋興夜枕應教夢帝鄉蜀國馬卿看從獵官
將閒事入淒涼宋歐陽文忠公寄生槐詩云檜為凌雲
材槐實凡木賤奈何柔脆質累此孤高幹龍鱗老蒼蒼
鼠耳光燦燦因緣初莫原感叱徒自歎偷生由附託得
勢爭葱蒨方其榮盛時曾莫見真贗欲知窮悴節宜試
以霜霰萌芽起微蘖辨別乖先見翦除初非難長養遂
成患雖然根性殊常恐枝葉亂惟應植者深幸不習而
變含容因有害勦絕須明斷惟當慎斤斧去惡無傷善

梅聖俞宮槐詩云漢家宮殿蔭長槐嫩色葱葱不惹埃
天仗龍旂穿影去鈎陳豹尾拂枝來青蟲掛後蜂銜子
素月生時桂並栽我意方同杜工部冷淘唯喜葉新開
東坡御史臺槐詩云憶我初來時草木向衰歇高槐雖
經秋晚蟬猶抱葉淹留未云幾離離見疎莢棲鴉寒不
去哀叫飢啄雪破巢帶空枝踈影挂殘月豈無兩翅羽
伴我此愁絕韓持國維槐陰行云天門觀闕雙凌霞下
有馳道開平沙高槐左右覆朱戟綠陰翠氣相蒙遮朝
回亘雲下寶騎遊散掣電奔香車我慚太學官況冷旦
暮出此驅疲騶清風吹涼南就局炎日轉景東還家昏

然百事不知省空復春葉零秋華張文潛雙槐晚秀云
東皇無處著繇華亦復分張到我家他日老蒼悲敗枿
今晨嫩綠出新芽禿翁承弁纖纖髮村婦縈鬟草草花
桃李蹊中人跡絕綠陰門巷正藏鴉朱樂圃公堂槐云
五紀栽培後三春長育中靈根蟠故國密葉蔭儒宮患
與盤斤遠歌宜魯蒸同先儒垂意厚期此出三公誠齋
詩云陰作官街綠花開舉子黃公家有三樹猶帶鳳池
香元迺仲儀賢孔林瑞槐歌云闕里陰陰槐樹古百尺
長柯挾風雨密葉蟠空擁翠雲深根貫石流瓊乳蒼皮
皴蝕紋異常天成篆籀分毫芒游絲縈錯科斗亂雲氣

飛動龍鸞翔羸秦書焚士坑僂幾歎遺經藏壁屋千年
聖道復昭明喜見文章出嘉木神明元胄嗣上公雨露
滋沐深培封清陰如水石壇靜彈琴樹底歌薰風鄭氏
允端庭槐云風轉庭槐拂檻開綠陰如染淨無埃婦人
不作功名夢閑看南柯蟻往來明李西涯成國公家槐
樹歌云東平王家足喬木中有老槐寒更綠拔地能穿
千丈雲盤空却蔭三重屋憶昔二王初種時高門駟馬
相追隨五朝恩露簪纓重四世威聲草木知世間植物
因人瑞培植根深乃天意向月長留宿鳳巢排霜故作
蟠蚪勢舞袖飛花遶北堂屯陰列戟森成行壁窓雨過

看秋霽紗帽風低坐晚涼古來匠石匪廊廟堂中絲竹
應同調馮氏空傳大樹名王公豈待三槐兆木天老朽
舊通家樹猶如此我堪嗟願公人好樹亦好長共河山
閱歲華吳原博追和朱樂園蘇學公堂槐云密葉連街
上孤根寄學中名揚蘇子記陰覆魯侯宮既久今何在
惟喬自不同曾沾時雨化多幸遇朱公馬弓陳槐云古
本凌空百尺過根盤如石鐵為柯濃陰不碍金蓮座虛
籟猶傳玉樹謠倦客解衣頻徙倚老禪卓錫定摩挲雲
門寺裏梁朝柏身上苔痕想更多近時謝方山李氏古
槐歌云結髮耽遨遊忙極不暇嬾但聞好林園遠近亦

須歛一從歸卧掩衡門每思夙遊心煩懣寧無庭草與
盆花局趣不堪放吾眼偶爾閒過城南隅忽覩李家好
亭館客位東偏垂古槐年深猶能生意滿茂葉分披草
閣深斜枝遙映茅簷短青春喜見月明歸朱夏欣聞鳥
聲緩詎止茅收佐酒盃更拾花藏添茗盃遇著客來留
奕棋會得書成攜排纂飯罷徐行飽易消醉餘偃卧腹
仍坦不須揖讓看雍雍聊復議論聞侃侃向過十一古
槐村如此巨者良亦罕村人猶自長矜誇見茲將無歎
竒產梗楠豫章雖竒姿等時難覓江河限老夫過此屢
婆娑自知緣木情難斷縱比王氏清陰孤量非野外不

材散為君聊爾成短歌未能苦思語多誕明朝乘閒還
獨來得勿謂我不知赧盧夢山道悅和云老知世事忙
無益一味耽閒遂成嬾不獨熱客絕往還漸於親串疎
情欸故人惟有謝方山相對一尊舒憤懣示我李氏古
槐歌鳳翰龍形如在眼我聞李氏結構初先有老槐後
亭館獨蟠竒勢踞堂東春茂夏繁生意滿飽經歲月蝕
風霜白榆較瘦蒼松短炎景垂陰客坐多斜枝暎戶鳥
聲緩初茁青芽泛酒卮欲綻黃花佐茗椀深沉院落影
參差月下攤書快編纂古質貞心二百年中經喪亂履
常坦懷宗末褻變故多朝廷無人議侃侃天時人事兩

相迫釀成災異古今罕焦石爍金河水乾食人為糧同
 畜產掘盡草根剥樹皮蒼松翠柏戕無限此槐當日在
 州中豈有江河為隔斷神物類有鬼護持得保長年異
 樗散譙明之山有孟槐君其苗裔非縱誕從今直歷八
 千秋追配大椿無媿赧田樂園廟前老槐云開士為余
 道山門鎮此槐但聞傳說久不記是誰栽下接南柯郡
 旁隣駙馬臺君如尋好夢須向此間來鍾聖輿詩云槐
 花瓣瓣染鵝黃欹枕濃陰入睡鄉吞吐青蟲絲上下涼
 絲吹落挂繩床程珍儒待聘古槐云鐵榦霜皮古寺中
 婆娑竟與老樗同蛇龍蟠處枝全禿螻蟻容時腹久空

翠蓋侵偕半榻月濃陰與客一襟風春秋閱歷知何補
栽植無心問化工趙公喬起挺唐槐云斜枝龍幹勢槎
枒一片清陰數畝遮賺得英雄多白首經過風雨幾黃
花空聞古柏香棲鳳祇共枯楊晚宿鴉不是南柯夢中
客歇涼還此輒停車金醉墨槐眼云桑眼迷離已可條
攢攬兔目也相撩市中精理恒相值宮外明炕每見招
現白步兵難共對著元吏部怯先凋即看鼠耳成叢後
巖電清臚一種韶

葛花福品也一名黃斤一名鹿藿鹿食九草此其一種一名雞齊蔓生長一二丈紫色七月著花紅紫色莢如小黃豆葛根入土五六寸者名葛脰其實名葛穀夏月葛成嫩而短者留一丈上下謂頭葛其次為二葛可作絺綌唐李太白黃葛篇云黃葛生洛溪黃花自綿羃青烟莠長條繚繞幾百尺閨人費素手採緝作絺綌縫為絕國衣遠寄日南客蒼梧大火落暑服莫輕擲此物雖過時是妾手中跡戎荆南昱和李尹種葛云弱質人皆棄唯君手自栽藟含霜後竹香惹臘前梅擬托凌雲勢須憑接引材綠陰如可惜黃鳥定飛來鮑德源溶采葛行

云春溪幾回葛花黃黃麝引子山山香蠻女不惜手足
損鉤刀一一率利長葛絲茸茸春雪體深澗擇泉清處
洗殷勤十指蠶吐絲當牖嫋嫋聲高機織成一匹無一
兩供進天子五月衣曹鸞臺遊仙詩云方士飛軒駐碧
霞酒香風冷月初斜不知誰唱春歸曲落盡溪頭白葛
花韓君平白云葛花滿把能消酒明張時徹采葛篇云
種葛南山下春風吹葛長二月吹葛綠八月吹葛黃腰
鑣逝采掇織作君衣裳經以長相憶緯以思不忘出入
君篋笥長得近輝光層冰布河水中夜皓凝霜吳羅五
文采蜀錦雙鴛鴦君恩當斷絕歎息摧中腸中腸日以

摧葛葉日以衰願留枯根株化作萱草枝近時張蕭亭
采葛婦歌云月落參橫雞聲煩何年得伸嘗糞冤凌晨
采葛至黃昏君王請臣事已非夫人請妾妾更微日夜
采葛不敢衣謀臣無計女有色君王卧薪徒輾側我今
采葛獻吳國會稽君棲臣當死妾身自恨非男子我今
采葛衣戰士

附錄鐵葛生山南峽中葉似枸杞根如葛黑色味甘

附錄苧麻三稜也可以為繩一作紵可以績紵絲之細者為
絰麤者為紵一種紫一種白苗高七八尺如楮葉花青
如白楊而長夏秋間著細穗勾踐種以為弓弦曰麻林

成芳隱麥林山織布為短襪寬袖之衣自稱隱士衫晉
郭景純贊云草皮之良莫貴于麻用無不給服無不加
至物在邇求之好遐唐工部句云青青屋東麻散亂牀
上書劉夢得句云煖分煨芋火明借緝麻燈明何大復
種麻篇云種麻冀滿邱種葵冀滿園孤生易憔悴獨立
多憂患當行思故旅當食思故歡先機失所豫臨事徒
嗟歎升蕭艾乃至鋤桂致傷蘭物理有相附疇能識其
端斷金侯同志抱玉難自宣交結良非易君當圖未然
錄附大麻一名火麻一名黃麻一名漢麻雄者名臬麻牡麻
雌者名苴麻葶麻莖高五六尺葉狹而長狀如益母草